



KEMENTERIAN PENDIDIKAN, KEBUDAYAAN, RISET, DAN TEKNOLOGI
2024



Bawisata Ka Sungai Kambang

~Berwisata Ke Sungai Kembang~

SITI AISYAH



MILIK NEGARA

TIDAK DIPERDAGANGKAN

Bawisata Ka Sungai Kambang

~Berwisata Ke Sungai Kembang~

SITI AISYAH



KEMENTERIAN PENDIDIKAN, KEBUDAYAAN, RISET, DAN TEKNOLOGI
2024

Hak Cipta pada Kementerian Pendidikan, Kebudayaan, Riset, dan Teknologi Republik Indonesia.

Dilindungi Undang-Undang

Penafian: Buku cerita anak dwibahasa ini disiapkan untuk menunjang pemenuhan buku bacaan bahasa daerah dan Indonesia, khususnya di wilayah Kalimantan Selatan. Buku cerita ini berbasis sains, teknologi, teknik, seni, dan matematika serta kearifan lokal. Buku cerita dwibahasa ini diterjemahkan dan disunting oleh berbagai pihak. Buku ini hadir untuk menambah ilmu dan memperluas wawasan anak-anak Indonesia, khususnya di wilayah Kalimantan Selatan.

**BAWISATA KA SUNGAI KAMBANG /
BERWISATA KE SUNGAI KEMBANG**

Penulis : Siti Aisyah
Penanggung Jawab : Armianti Rasyid
Penerjemah : Siti Alfa Ariestya
Penyunting : Rizki Amalia
Ida Komalasari
Ilustrator : Ade Oktapianor
Tata Letak : Putri Maulida Rahmah

Penerbit

Kementerian Pendidikan, Kebudayaan, Riset, dan Teknologi

Dikeluarkan oleh

Balai Bahasa Provinsi Kalimantan Selatan
Jalan Ahmad Yani Km. 32,2 Loktabat Utara
Banjarbaru, 70712
Telepon (0511) 4772641
Faksimile (0511) 4784328
Posel: balaibahasakalsel@kemdikbud.go.id.

Cetakan pertama, 2024

ISBN :

Isi buku ini menggunakan huruf Andika New Basic 14, 40 hlm: 21 x 29,7 cm.

PESAN BU ARMI

Halo, Sahabat Bahasa dan Sastra!

KKLP Penerjemahan menghadirkan buku-buku menarik untuk para sahabat bahasa dan sastra di Provinsi Kalimantan Selatan. Buku ini bertujuan menginternasionalkan bahasa dan budaya Indonesia serta mendukung bahan bacaan anak. Kalian dapat membaca cerita-cerita unik dan hebat tentang budaya Kalimantan Selatan. Cerita dalam buku ini mengajak kalian untuk berpikir kreatif, berani mencoba hal-hal baru, berinteraksi dengan alam, dan belajar budaya tradisional. Ilustrasi buku ini juga sangat indah yang akan membantu kalian untuk membayangkan cerita di dalamnya.

Lebih uniknya, buku ini ditulis dalam dua bahasa, bahasa Indonesia dan bahasa Banjar, agar kalian mau belajar dan tetap melestarikan bahasa daerah kalian. Semoga buku-buku ini membuat kalian lebih cinta membaca dan melestarikan budaya daerah.

Selamat membaca!

Kepala Balai Bahasa Provinsi Kalimantan Selatan

Armianti Rasyid, S.Ag., M.Pd.

DAFTAR ISI

Sambutan	iii
Daftar Isi.....	iv
Isi Cerita	1

Hari Jumat ini para siswa pulang lebih awal daripada hari biasanya. Ketika sampai di rumah, Amin tidak langsung berganti pakaian. Dia rebah-rebahan di atas kasur. Entahlah, beberapa hari ini Amin merasa kurang bersemangat. Inginnya tidur saja. Jika tak ingat akan salat Jumat, ia bisa tertidur sejak tadi.

Melihat ayahnya mengambil sajadah hendak ke masjid, Amin langsung bangun. Dia segera berganti pakaian, berwudu lalu ke masjid.

Pulang jumatan, Amin teringat pembicaraan Udin saat bertemu di jalan tadi. Temannya itu bercerita akan pergi ke *water boom* sekeluarga.

Amin juga ingin seperti orang lain pergi berjalan-jalan agar tidak bosan di rumah saja. Namun, apakah orang tuanya mau jalan-jalan?

Ari Jumahat ngini kanakan sakulah bulikan sungung pada ari biasanya. Sampai di rumah Amin kada langsung basalin baju. Inya pina kukuliran barabah di tilam. Tahu jua, babarapa ari ngini Amin asa kurang basumangat. Bawaannya handak guring tarus. Jakanya kada ingat satumat lagi sumbahyang Jum'atan bisa mangaruh sudah matan tadi.

Malihat Abahnya maambil sajadah handak ka masigit, Amin hancap bangun. Inya badadas baganti pakaian, baudu, lalu ka masigit.

Bulik Jum'atan Amin kaingatan pandiran Udin rahat tadapat di jalan tadi. Kawalnya ngitu bakisah handak tulakan ke *water boom* sakaluargaan.

Asa handak ai jua Amin kaya urang bakunjangan sakira kada tulai di rumah wara. Tagal, hakunlah kuitannya mambawai bajalanan?



Setelah makan siang, Amin sengaja mendekati ibunya. Kebetulan Ibu tidak sibuk. Amin coba-coba berbicara, besok dia libur sekolah.

“Kita jalan-jalan, yuk,” ajak Amin.

“Mau ke mana?” tanya Ibu.

“Teman-teman banyak yang pergi ke *water boom*. Saya juga ingin ke sana,” kata Amin.

“Tunggu, Ibu tanyakan dulu ke Ayah, besok kerja atau tidak.”

Ternyata Ayah tidak sibuk, tidak ada yang dikerjakan.

“Nah, kalau begitu bagaimana kalau kita ajak Amin jalan-jalan?” kata Ibu.

Ayah bertanya, “Rencananya mau ke mana?”

Amin segera menjawab, “Ke *water boom*.”

Ayah terdiam sejenak, seperti ada yang dipikirkan. Setelah menarik napas, Ayah berkata, “Ke *water boom* itu mahal, Nak. Banyak sekali uang yang harus kita keluarkan.”

Kemudian Ayah melihat Amin, berusaha memberi pengertian. Ayah menjelaskan bahwa ongkos masuk tiap orang Rp60.000,00. Jika berlima, Amin, Kakak, Ayah, Ibu, dan Nenek berarti ongkosnya Rp300.000,00. Belum lagi barang dagangan di sana tidak ada yang murah. Orang yang masuk juga tidak boleh membawa makanan dari rumah.

Tuntung makan siang Amin singhaja mamaraki umanya.
Kabalujuran sidin kada auran. Amin gagawaian bapadah, pada isuk
inya paraian sakulah. “Bawai pang ulun bajalanan,” jar Amin batagih.
“Ka mana pian handak bajalanan?” jar Uma batakun.

“Kakawanan rami ka *Water Boom*. Handak ai jua ulun ka sana,” jar Amin.

“Hadang, Uma manakuni Abah ikam, isuk bagawi atawa kada.”

Sakalnya sidin santai haja, kadada nang digawi.

“Nah, mun damintu kayapa kalu isuk kita mambawa Amin bajalanan?” jar Uma.

Si Abah batakun, “Rancananya handak ka mana?”

Amin hancap manyahuti, “Ka *Water Boom*.”

Abahnya tadiam satumat, kaya ada nang dipikirakan. Imbah manarik hinak lalu ai sidin baucap, “Ka *Water Boom* tu larang, Nak ai. Banyak banar pacangan kita kaluar duit.”

Sidin lalu manggamati Amin, bausaha mambari pangartian. Jar Abah, masuknya haja saikung urang Rp 60.000. Amun balima, Amin, Kaka, Abah, Uma, wan Nini sudah Rp 300.000. Balum kaina bawilanja di sana kadada nang murahna. Maka urang nang masuk ka situ kada bulih mambawa makanan matan rumah.



Mendengar hal itu, Ibu juga ikut berbicara. Ibu mengatakan bahwa air mineral yang biasanya berharga Rp4.000,00 jika di *water boom* seharga Rp10.000,00. Mi gelas di warung harga Rp5.000,00 jika di *water boom* seharga Rp15.000,00. Apalagi jika beli nasi, harganya sangat mahal. Ini banyak menghabiskan uang.

“Lebih baik uangnya untuk keperluan lain,” kata Ibunya.

“Sebentar lagi kakakmu akan masuk SMA, Ayah harus menyiapkan uang.”

“Tapi, teman-temanku banyak yang ke *water boom*, Bu.” Amin berkata dengan wajah sedih.

“Jangan mengikuti orang, Nak! Kita hidup ini harus sesuai kemampuan,” kata Ibu membujuk Amin.

Kemudian Ayah memberikan alternatif tempat wisata yang lain. Tempat yang bagus tetapi biayanya terjangkau.

Mandangar ngitu, Uma umpat jua manyurung pandir. Sidin manyambat, banyu maniral nang di luaran Rp4.000, di sana harganya Rp10.000. Mi gelas nang di warung Rp5.000, di sana Rp15.000. Magin ai mun nukar nasi harganya liwar malanging. Kada saikit duit pacangan habis.

“Baik duitnya gasan kaparluan nang lain,” jar umanya.

“Satumat lagi Kaka pian handak masuk SMA, Abah harus manyiapakan duit.”

“Tagal kakawalan ulun banyak nang tulakan ka *water boom*, Ma ai.” Amin bapandir sambal muhanya pina marangut.

“Jangan manuruti urang, Nak ai! Kita hidup ni sasuai kamampuan haja,” jar Uma mambisai Amin.

Abah lalu manawari Amin mencari wadah wisata lain. Nang kikir bagus, tagal biayanya terjangkau.



“Bagaimana kalau kita pergi ke Sungai Kembang saja? Dari rumah kita tidak terlalu jauh, sekitar 30 menit sudah sampai,” kata Ayah.

Di sana ongkos masuknya Rp5.000,00 saja per orang. Kalau berlima berarti Rp25.000,00 ditambah biaya parkir sepeda motor Rp5.000,00. Jadi totalnya Rp30.000,00 bisa menikmati sepenuhnya. Sambil mendengarkan Ayahnya berbicara, wajah Amin semakin cemberut.

“Benar, Yah! Kata teman-teman ku di sana ramai sekali,” Kakak Dita ikut menyela.

“Ayolah ikuti kata orang tua. Yang penting kamu juga bermain, mandi dan bermain air sepuasnya,” kata Ayah.

“Kayapa mun kita tulakan ka Sungai Kambang haja? Matan rumah kita kada talalu jauh, kurang labih 30 manit sampai,” jar Abah.

Di sana masuknya Rp 5000 haja saikung urang. Kalu balima Rp25.000, tambah bayar parkir mutur Rp. 5000. Jadi samunyaan Rp. 30.000, kawa bahimat sepuasnya manikmati.

Sambil mandangarakan Abahnya bapandir, muha Amin magun marangut.

“Bujur, Bah ai! Kawanan ulun bakisah di sana rami banar,” Kaka Dita umpat manyala.

“Ayuha maasi lawan kuitan. Nang panting ikam kawa jua baramian, sapuasnya bamandian wan bamainan di banyu,” tikas Abah.





Ibu sangat setuju jika pergi ke Sungai Kembang sekeluarga. Mereka bisa membawa makanan sebanyak mungkin. Ibu berencana membawa pemanggang dan kompor jinjing untuk memasak di sana. Ketika nanti anak-anak berenang, Ibu dan Nenek menyiapkan makanan. Jadi, ketika anak-anak lapar mereka bisa makan sepuasnya.

“Gimana, Nak. Mau berubah pikiran? Tidak usah ke *water boom*, kita ke Sungai Kembang saja,” jelas Ibu memberi pemahaman anaknya.

Amin belum juga mengiyakan. Dia masih ingin tahu yang sebenarnya, seperti apa Sungai Kembang itu? Lalu Ayah menjelaskan selengkap mungkin.

Sungai Kembang terletak di Kampung Tambela, Kecamatan Aranio, Kabupaten Banjar, Kalimantan Selatan. Jika dari Banjarmasin sekitar 64 pal.

“Jika kita berangkat dari Banjarbaru, maka itu dekat sekali, 25 pal saja. Paling lama 30 menit sudah sampai, Nak,” kata Ayah.

Uma akur banar mun sakaluargaan tulakan ka Sungai Kambang. Nyaman sakahandak mambawa makanan. Sidin barencana mambawa panggangan wan kumpur purtabil gasan bamasak di sana. Kaina pahadangan buhannya bakunyung, Uma wan Nini manyiayakan makanan. Jadi pas buhannya lapar kawa makan sapuasnya.

“Kayapa Nak, hakunlah baubah pikiran? Kada usah ka *Water Boom*, baik kita ka Sungai Kambang haja,” jar Uma maanyaki anaknya.

Amin baluman jua maiyakan. Inya magun handak tahu nang sabujurnya, kayapa garang Sungai Kembang ngitu? Balalu ai Abah manjalasakan salangkap mungkin.

Sungai Kembang andaknya di Kampung Tambela, Kecamatan Aranio, Kabupaten Banjar, Kalimantan Selatan. Amun matan Banjarmasin sakitar 64 pal.

“Amun kita matan Banjarbaru parak banar, 25 pal haja. Dilawasakan 30 manit gin sampai, Nak ai,” jar Abah.



Pengelola Sungai Kembang menyediakan berbagai macam fasilitas untuk keperluan orang banyak. Misalnya, tempat parkir, toilet, dan ruang ganti. Jadi, para pengunjung merasa nyaman berwisata di sana.

Air sungainya juga masih alami, langsung datang dari Waduk Riam Kanan. Wisata Sungai Kembang banyak didatangi pengunjung karena suasana sejuk. Airnya segar dan jernih. Sehingga banyak orang yang membawa keluarga atau teman untuk merasakan kesegaran airnya.

Bebatuan di sana sejenis sekis biru atau hijau. Adanya sungai itu bersamaan dengan awal terjadinya Pegunungan Meratus ratusan tahun yang lalu. Bebatuan di Sungai Kembang bernilai tinggi untuk penelitian.

Pangalula Sungai Kembang manyadiakan bamacam-macam pasilitas gasan kaparluan urang banyak. Pariyannya, wadah parkir,

kakus, wan kamar gasan basalin baju. Jadi, buhan pangunjung nyaman handak bawisata ka sana.

Banyu sungainya gin masih alami, langsung datang Waduk Riam Kanan. Wisata Sungai Kambang nitu banyak didatangi pangunjung marga suasananya nang sajuk. Banyunya gin sigar wan jaranih, Jadi banyak urang mambawa kaluarga atawa kakawanan gasan marasani kasigaran banyunya.

Batuan di sana sajanis sakis biru atawa hijau. Adanya tapaimbai lawan pamulaan tajadinya gunung Meratus ratusan tahun nang lalu. Batuan di Sungai Kambang banilai tinggi gasan panalitian.



“Ayah dan Ibu sudah pernah ke sana?” tanya Amin.

“Ibu belum pernah. Kalau Ayah baru sekali ke sana bersama Amang Ismet. Pokoknya di Sungai Kembang itu ramai sekali. Tak akan menyesal,” kata Ayah.

Apalagi jika musim liburan, jumlah pengunjung bisa dua kali lipat dari hari biasanya. Bisa sampai 150 orang per harinya.

“Untuk foto-foto bagus tidak, Yah?” Dita ikut bertanya.

“Bagus sekali,” sahut Ayah untuk Kakak.

Melihat Amin yang masih belum terlalu yakin, Ayah menjelaskan satu per satu kelebihan yang ada di Sungai Kembang.

“Abah wan Uma suah lah ka sana?” jar Amin batakun.

“Uma ikam baluman suah pang lagi. Kalu Abah hanyar sakali ka sana lawan Amang Ismet. Pukuknya di Sungai Kambang tu rami banar. Kada bataha manyasal,” jar Abah.

Magin kalu musim paraian pangunjungnya dua kali lipat pada ari biasanya. Bisa sampai 150 ikung urang saharinya.

“Gasan baputu pang baguslah, Bah?” Dita umpat batakun.

“Bagus banar,” jar Abah manyahuti Kaka.

Malihat Amin baluman pina yakin jua, sidin balalu ai manyambatiakan tunggal butingan kalabihan nang ada di Sungai Kambang.



Pertama, jalannya bagus sudah beraspal dan bisa dilewati mobil berselisihan. Selain tak jauh dari pusat kota, tempat ini juga dekat dengan Waduk Riam Kanan. Dari Bundaran Simpang Empat jaraknya sekitar 21 pal saja.

Kedua, arus airnya deras dan jernih melewati sela-sela bebatuan. Saat mencuci wajah atau menceburkan kaki sudah terasa kesegaran airnya. Apalagi jika ingin berendam di sungai. Di situ para pengunjung dapat menikmati arung jeram.

Ketiga, lingkungan sekitar sungai sangat alami. Di sekeliling sungai banyak pohon besar yang jamah dan teduh. Di pagi hari burung berkicau ramai sekali. Udaranya segar untuk dihirup, belum terkena polusi.

Keempat, banyak spot bagus untuk berfoto. Spot yang sering dijadikan tujuan pengunjung adalah aliran air sungai yang deras di

bebatuan. Para fotografer sangat paham tempat mana yang bernilai seni tinggi. Jadi, kita bisa bergaya di spot mana saja yang bagus.

Asa, jalannya bagus sudah baaspal wan kawa diliwati mutur basulisihan. Salain kada jauh pada pusat kuta, jua parak lawan Waduk Riam Kanan. Matan bundaran Simpang Ampat kurang labih 21 pal haja.

Dua, arus banyunya daras wan jaranih maliwati sasala babatuan. Rahat mambasuh muha atawa manculup batis gin sudah karasaan banyunya nang sigar. Maginnya mun baistilah barandam di sungai. Di situ pangunjung bisa jua manikmati arung jaram.

Talu, lingkungan saputaran situ bujur-bujur alami. Di sakuliling sungai banyak pupuhunan ganal nang raba wan taduh. Rahat baisukan rami banar bunyi burung kaciitan. Udaranya gin sigar nyaman dihiyut, balum takana pulusi.

Ampat, banyak spot gasan baputuan. Spot nang rancak jadi untingan pangunjung aliran banyu sungai nang daras di babatuan. Buhan fotografer tahu banar buncu mana haja nang banilai seni tinggi. Jadi, kita kawa bagaya di spot nang bungas nitu.



“Nah, bagaimana. Jelas, kan?” tanya Ayah kekedua anaknya.

“Jelas sekali, Yah. Ayak menceritakan dengan lengkap tentang Sungai Kambang,” Dita menyahuti.

“Gimana, Min, mau kan? Kakak saja penasaran ingin ke sana,” desak Kakak Dita.

Sepertinya wajah Amin berhenti merengut. “Iya, Yah, saya mau ke Sungai Kembang.”

“Nah, ini baru anak Ayah, mau menuruti perkataan orang tua,” kata Ayah sambil tersenyum.

“Nah, kayapa jalas lah sudah” jar Abah manakuni kadua anaknya.

“Jalas banar, Bah ai. Langkap pian mangisahakan Sungai Kembang,” Dita manyahuti.

“Dimapa Min, hakun hajakah kita tulakan ka sana?”

” Ayu Min, hakun haja? Kaka gin panasaran handak ka sana,” gasak Kaka Dita.

Muha Amin pina ampih marangut. “Inggih Bah, hakun ai ulun tulakan ka Sungai Kembang.”

“Nah ngini hanyar anak Abah, mau maasi pandir kuitan,” jar sidin sambil takurihing.



Karena sudah pasti besok berangkat ke Sungai Kembang, Ibu mau bersiap-siap. Ibu berencana membeli keperluan untuk berwisata.

Ibu teringat kalau Nenek belum diberi tahu. Ibu segera ke kamar belakang mendatangi Nenek. “Besok kita sekeluarga akan pergi ke Sungai Kembang, Nek!”

Nenek menanyakan kira-kira pukul berapa besok kita berangkat. Kemudian Ibu memberi tahu kalau bisa kita berangkat lebih awal agar Dita dan Amin bisa bermain di sungai sepuasnya. Paling lambat pukul 08.00 sudah berangkat.

Untuk bekal berwisata, Nenek mengajak membuat lepat dan telur itik masak merah.

“Bisa saja. Berarti saya tidak perlu ke pasar, beras dan telur itik masih tersedia,” kata Ibu.

Ibu juga masih menyimpan cabai merah kering. Jika untuk memasak sepuluh biji telur, cabai itu masih cukup.

Tinggal membeli kelapa parut dan pisang kepok untuk digoreng di sana. Di warung dekat rumah juga ada yang menjual.

Nenek meminta Ayah Amin untuk memetik daun pisang di belakang rumah. Kata nenek bahwa itu digunakan untuk membungkus lepat. Empat batang daun pisang yang besar sudah cukup.

Marga sudah pasti isuk tulakan ka Sungai Kambang, handak ai Uma basisiap. Sidin barancana batatukar gasan kaparlun bawisata.

Uma kaingatan Nini baluman dipadahi. Sidin hancap ka kamar balakang mandatangi Nini. “Isuk kita sakaluargaan handak tulakan ka Sungai Kambang, Ni ai!”

Nini batakun, kikiru pukul barapa isuk tulakan. Jar Uma, amun kawa basungsung sakira Amin wan Dita kawa balawas bacabur di sungai. Paling lambat jam 08.00 sudah tulakan.

Gasan sangu tulakan, Nini mambawai baulah lapat wan hintalu itik masak habang.

“Bisa ai mun kaitu. Baarti ulun kada usah ka pasar, ada haja baras wan basimpanan hintalu itik,” jar Uma.

Damintu jua lumbuk karing habang, masih ada baisian. Mun gasan mamasaki sapuluh bigi hintalu itik mayu haja.

Tinggal nukar nyiur baparut wan pisang manurun gasan disanga di sana. Di warung parak rumah gin kikir ada haja urang bajual.

Nini inta putikakan daun pisang di balakang rumah lawan Abahnya Amin. Jar sidin, gasan mambungkus lapat. Ampat batang nang ganal gin mayu ai.



Keesokan harinya, mereka bangun lebih awal. Ketika mendengar azan Subuh, ibu langsung membangunkan Dita dan Amin.

“Bangun, Nak, sudah subuh. Cepat ambil wudu lalu salat.”

Dita dan Amin segera bangun. Sambil berdiri dan mengucek mata, Amin bertanya, “Jadi kan jalan-jalannya?”

“Jelas, dong. Nenek dan Ibu tadi malam sudah membuat lepat untuk bekal ke Sungai Kembang.”

Sementara yang lain mandi, Ibu dan Nenek sibuk di dapur. Ibu membuat telur dadar, ikan gabus goreng, dan oseng tempe kacang panjang. Setelah semua siap, mereka sarapan bersama.

Isuknya, sungung buhannya bangunan. Pas mandangar bang Subuh, Uma langsung manggarak Dita wan Amin. “Bangun Nak, subuh sudah. Lakasi baudhu sumbahyang Subuh.”

Dita wan Amin hancap bangun. Sambil badiri mangucak mata Amin batakun, “Jadi kalu hari ini tulakan?”

“Nyata ai jadi. Nini wan Uma malam tadi sudah baulah lapat gasan sangu ka Sungai Kambang.”

Pahadangan nang lain asing-asingnya mandi, Uma wan Nini bauran di padapuran. Uma maulah hintalu dadar, haruan basanga, wan using timpi bakacang panjang. Imbah barataan sudah siap, balalu ai buhannya makan baisukan baimbaian.



Selesai sarapan, Dita membantu mencuci piring, gelas, mangkuk, dan sendok. Amin menyapu lantai bekas sarapan tadi. Ayah memanasi mobil. Sedangkan Ibu dan Nenek berganti pakaian yang lebih bagus.

Amin diminta ayah mengangkat barang. Tikar, payung, kompor jinjing, kotak P3K, semuanya diletakkan ke dalam bagasi mobil.

Ibunya yang sudah selesai ganti baju, ikut memasukkan bakul kuning ke dalam mobil. Isinya lepat dan telur bumbu merah. Ibu mengingatkan Dita dan Amin agar membawa baju ganti untuk ganti baju di sana.

“Pukul berapa kita berangkat, Yah?” tanya Amin.

Dia sudah tak sabar.

Kata ayah, “Jika semua barang sudah dibawa dan orangnya siap, kita langsung berangkat.”

Tuntung makanan, Dita mangganii babasuh piring, gelas, mangkuk, wan susudu. Amin manyapui lantai bakas makanan tadi. Abah

mamanasi mutur. Sadangakan Uma wan Nini basalin baju nang tabagus.

Amin disuruh Abahnya maangkuti barang. Tikar, payung, kumpur purtabil, kutak P3K, samunyaan dibuati ka dalam bagasi mutur.


Umanya nang sudah tuntung babaju umpat mamasukakan bakul kuning ka dalam mutur. Isinya lapat wan hintalu masak habang. Sidin maingatakan Dita wan Amin supaya mambawa baju tilasan gasan baganti di sana.

“Jam barapa kita tulakan, Bah?” jar Amin batakun.

Inya sudah pina kada sabar.

Jar Abah, “Amun samunyaan barang sudah dibawa, wan urangnya siap barataan, langsung ai tulakan.”





Sepanjang perjalanan Amin melihat pemandangan kanan dan kiri jalan. Pohon-pohon yang jamah sangat menyejukkan mata. Kadang-kadang sesekali terlihat monyet meloncat mencari buah untuk makanannya. Begitu pula sawah yang sangat luas dan pegunungan yang sangat tinggi seperti ingin pergi ke sana.

Dari tadi Amin melihat tumpukan batu-batu besar di pinggir jalan. Karena penasaran, lalu ia bertanya, “Mengapa batu-batu besar itu diletakkan di sana?”

Ayah menjelaskan bahwa itu adalah batu gunung. Biasanya orang menggunakan batu itu untuk fondasi bangunan atau untuk menembok pinggiran sungai.

“Gunungnya banyak sekali, ya? Di gunung itukah orang-orang mengambil batu?” Amin bertanya lagi.

“Betul sekali, Nak. Coba itu kamu perhatikan” kata Ayah sambil menunjuk ekskavator yang dipakai orang untuk menggali dan mencongkel batu. Ayah mengatakan bahwa jika musim panas atau kemarau di sekitar penambangan batu gunung itu sangat berdebu. Sebaliknya, ketika musim hujan, daerah sekitarnya sangat becek. Namun, penduduk di situ sudah terbiasa.

“Tuhan sudah mengatur,” Ibu ikut mengobrol. “Di mana saja orang tinggal, pasti ada rezekinya. Mencari batu telah menjadi pekerjaan masyarakat di daerah pegunungan.”

Sepanjang perjalanan Amin asik manjauki pemandangan di kiwa kanan jalan. Pohon-pohon nang raba bujur-bujur manyajukkan mata. Baharu sasakali talihat warik kaluncatan bacari buah gasan

makanannya. Damintu jua pahumaan nang mambujur luas wan gugunungan nang mancuwir tinggi asa mambari kapingin.

Matan tadi Amin rancak malihat tuyukan batu ganal di higa jalan. Marga panasaran, balalu ai inya batakun, “Kanapa jadi batu-batu ganal baandakan di situ?”

Abahnya manjalaskan, ngitu batu gunung ngarannya. Biasanya diulah urang gasan pundasi bangunan atawa gasan manyiring sungai.

“Gunungnya banyak banar lah? Di gunung nitukah urang maambil batu-batu tadi?” Amin batakun pulang.

“Bujur banar, Nak ai. Cuba ikam itih nitu...” jar sidin sambil manunjuk ekskavator nang dipakai urang gasan manabuk wan manyungkil batu. Abah mamadahi, bila musim panas atawa kumarau di saputaran panambangan batu gunung nitu liwar badabu. Kabalikannya, bila musim panghujan liwar licaknya. Tagal buhan panduduk di situ sudah tabiasa.

“Tuhan sudah batata”, Uma umpat manyurung pandir. “Di mana haja urang bagana pasti ada haja rajaknya. Bacari batu jadi mata pancaharian masyarakat di dairah pagunungan.”





“Di sini banyak orang yang memelihara ikan di keramba,” kata Ayahnya.

“Mana kerambanya, Yah?” Amin ingin tahu.

“Nanti, sebentar lagi kita melewati daerah Batu Kambing. Di situ banyak orang memelihara ikan di keramba.”

Ikan yang dipelihara bermacam-macam. Mulai dari ikan nila, ikan mas, patin, hingga bawal. Namun, kebanyakan masyarakat senang memelihara ikan nila dan ikan mas karena lebih menguntungkan. Sekali beranak bisa sampai ribuan ekor.

Menurut kabar, di tempat ini sekarang tidak boleh lagi memelihara ikan bawal karena termasuk golongan ikan galak.

“Di Waduk Riam Kanan, ikan mas dan ikan nila dipelihara menggunakan jaring apung,” kata Ayah.

Sepanjang jalan menuju Sungai Kambang banyak yang dibicarakan oleh Amin dan kakaknya.

“Jadi alam ini sudah menyediakan penghuninya untuk bisa mencari uang, bergantung pada diri kita, rajin atau tidak.”

Tak terasa mereka telah sampai di Jembatan Aranio. Ayah memarkir mobilnya dengan arahan tukang parkir. Mereka keluar mobil sambil membawa semua barang yang tadi dibawa dari rumah. “Jangan sampai tikar dan makanannya tertinggal. Kompor dan wajannya juga dikeluarkan,” kata Ibu.

Ayah Amin membayar karcis masuk dahulu sebelum mereka masuk ke Sungai Kembang. Per orang Rp5.000,00, kalau berlima menjadi Rp25.000,00, ditambah parkir mobil Rp5.000,00. Jadi totalnya Rp30.000,00.

“Di sini urang rami jua maingun iwak di karamba,” jar Abahnya.

“Mana karambanya, Bah?” Amin handak tahu.

“Kaina, satumat lagi kita maliwati dairah Batu Kambing. Di situ sapanjangan urang bakarambaan haja. “

Iwak nang diharagu bamacam-macam. Matan iwak nila, iwak mas, patin sampai iwak bawal. Tagal kabanyakan buhannya katuju maharagu nila wan iwak mas marga labih untung. Sakali baranakan bisa sampai ribuan ikung.

Dangar-dangar di sini kada bulih lagi maharagu iwak bawal marga tamasuk gulungan iwak nang ganas.

“Amun di Waduk Riam Kanan iwak mas wan nila diharagu pakai jaring apung,” jar Abah.

Sapanjang jalan manuju Sungai Kambang banyak nang dibahas lih Amin wan Kakanya.

“Jadi alam ni sudah manyadiakan gasan kita bacari duit, tinggal kitanya haja lagi, cangkal atawa kada.”

Kada karasaan sampai sudah buhannya di jambatan Aranio. Abah maandak muturnya diarahakan lih tukang parkir. Buhannya turunan membawa samunyaan barang nang sudah disiapkan matan rumah. “Jangan tatinggal tikar wan makanan. Kumpur diturunakan jua lawan rinjingnya,” jar Umanya.

Abah Amin membayari karcis masuk dahulu, sabalum buhannya masukan ka Sungai Kambang. Saikung Rp5.000,00 balima jadi bayarnya Rp25.000,00, ditambah parkir mutur Rp5.000,00. Jadi bayar samunyaan Rp30.000,00.



Sampai di Sungai Kembang, Ibu langsung memilih tempat duduk di bawah pohon. Tempatnya enak tidak panas, ada peneduh. Nenek menyuruh Dita menggelar tikar. Sekaligus menyusun semua barang dan makanan yang dibawa dari rumah.

Melihat Dita sudah selesai membantu Ibu dan Nenek, Amin segera mengajak Kakaknya mencebur ke air. Dita minta ditunggu dulu untuk melepas baju. Tadi dia sudah mengenakan celana pendek dan kaos untuk mandi.

“Bu, kami mencebur, ya,” kata Amin.

“Hati-hati, Nak. Jangan berdua saja. Minta Ayah untuk menemani, lebih seru kalau mandi bersama-sama,” kata Ibu.

Mereka bertiga mencebur ke sungai. Amin senang sekali melihat Sungai Kembang sama seperti yang diceritakan oleh ayahnya kemarin. Kakak Dita berenang gembira sambil bernyanyi melihat arus deras yang melewati batu-batu besar.

Ibu dan Nenek sibuk menggoreng pisang goreng. Setelah ditiriskan pisang gorengnya, Nenek memanggil Amin, Ayah, dan Kakak untuk menikmati pisang goreng Nenek.

“Ayah dan Kakak saja yang ke sana, saya masih ingin bermain air,” kata Amin.

Ayah dan Kakak menuju tepi sungai. Mereka lahap memakan pisang goreng buatan Nenek. Selesai menikmati pisang goreng masing-masing satu buah, mereka mencebur ke sungai lagi.

“Min ... cepat ke sini sebentar,” Ibu berteriak memanggil anaknya. “Cicipi dulu pisang gorengnya walau sedikit.”

Amin tidak menghiraukan, tetap asyik bermain air. Dia malah mengajak Ibu dan Nenek mencebur ke air. “Airnya dingin dan segar,” kata Amin.

Tak lama kemudian, Ibu turun ke sungai pelan-pelan. Amin dan Dita gembira melihat Ibu menyusul mau bergabung. Ayah langsung mengambil air dengan kedua tangannya, lalu menyiram ibunya Amin. Tak mau kalah, Ibu segera mencebur dan menyiram mereka bertiga. Mereka senang sekali, berteriak sambil tertawa. Bergantian menyiram.

Mereka sekeluarga menikmati wisata alam Sungai Kembang. Ayah tersenyum melihat anak istrinya senang bermain air.

“Amin dan Kakak senang kah diajak ke sini?” tanya Ayah sambil tetap berendam di dalam air.

“Iya, Yah. Saya suka sekali berwisata di sini. Bisa ketagihan ingin ke Sungai Kembang ini lain hari,” jawab Amin.

“Saya juga puas berwisata di sini. Banyak pengetahuan dan pengalaman baru yang kudapat,” Dita ikut menyahut.

“Percaya kan, tak salah kalau Ayah memilihkan tempat wisata yang bagus,” kata Ayah.



Sampai di Sungai Kambang, Uma langsung mamilih wadah dudukan di bawah pohon. Nyaman kada kana panas, ada kanaungan. Nini manyuruh Dita maampar tikar. Salajur disusuninya samunyaan barang wan makanan bawaan matan rumah.

Malihat Dita sudah tuntung mandangani Uma wan Nini, Amin lakas mambawai Kakanya bacaburan ka banyu. Dita inta hadangi bapacul baju dahulu. Tadi inya sudah balapis salawar handap wan baju kaus gasan mandian.

“Ma, kami becaburlah” jar Amin.

“Hati- hati, Nak lah. Jangan baduan haja, inta dangani wan Abah, nyaman mandian baimbai,” ujar Uma.

Bacaburan batiga baranak mandian. Himung banar Amin malihat Sungai Kambang sama lawan nang dikisahkan Abahnya sumalam. Kaka Dita bakunyung sambil banyanyi-banyanyi kahimungan malihat arus deras nang maliwati batu-batu ganal.

Uma wan Nini auran manyanga gaguduh. Imbah dibangkit gaguduhnya, Nini mangiyau Amin, Abah wan Kaka gasan marasani gaguduh sangaan sidin.

“Buhan pian haja gin datangi, ulun masih rami baudak banyu,” jar Amin.

Abah wan Kaka naik ka tabing. Buhannya kanyamanan mamakan gaguduh ulahan Nini. Tuntung marasani gaguduh sabuting saurang, badua baranak nitu bacabur pulang ka sungai.

“Min... lakasi naik satumat,” Uma bakuciak mangiyau anak ngitu. “Rasani dahulu gaguduhnya, barang ai saikit.”

Tagal Amin kada hiran-hiran, tatap asik bamain banyu. Inya malah mambawai Uma wan Nininya umpat bacabur. “Banyunya dingin wan sigar,” jar Amin.

Kada lawas bagamatan Uma turun ka sungai. Amin wan Kaka Dita himung malihat Uma manunti handak bagabung. Abah langsung mancibuk banyu lawan kadua balah talapak tangan sidin, lalu manyimbur Umanya Amin. Indah kalah Uma hancap bacabur, manyimburi nang batalu baranak ngitu. Buhannya rami kuciakan sambil tatawaan. Bagantian basisimburan.

Sakaluargaan buhannya manikmati wisata alam Sungai Kambang. Abah takurihing malihat anak wan bininya rami bamainan banyu.

“Sanang hajakah Amin wan Kaka dibawa ka sini?” jar Abah sambil tatap barandam di banyu.

“Inggi, Bah ai. Ulun katuju banar bawisata di sini. Bisa nyanyat handak ka Sungai Kambang ngini dudi ari,” jawab Amin.

“Ulun gin puas bawisata di sini. Banyak pangatahuan wan pangalaman hanyar nang ulun dapat,” Dita umpat manyahut.

“Han, kada salah kalu Abah mamilihakan wadah bawisata alam nang bagus,” jar Abah.





Tak terasa hampir dua jam mereka bermain air.

“Min, tak lapar, kah?” tanya Dita kepada adiknya.

“Lapar, dong,” sahut Amin

Mendengar itu, Ibu langsung mengajak ke pinggir sungai, makan lepat dan telur bumbu merah. Namun, Amin minta makan yang lain. Ibu memintanya menunggu sebentar. Ibu mau memasak daging sapi iris dan sosis yang sudah direndam dengan saos lada hitam.

“Ibu ingat kalau kalian ingin makan yang lain, makanya bekal itu dibawa,” kata Ibu.

Setelah masak, Ibu memanggil Amin, Dita, dan Ayah, “Ayo, cepat makan.”

Mendengar itu, mereka langsung ke tepi sungai, menuju tempat Ibu di bawah pohon. Karena lapar, Amin segera lari menyusul ibunya. Kakinya basah terkena air. Karena licin, Amin tergelincir. Ayah langsung lari menolong Amin. Amin mengernyitkan wajahnya karena sakit. Ayah menyuruh kakak mengambil P3K di mobil.

Dita lama mengambil kotak P3K, tak muncul juga. Ketika muncul ia mengatakan bahwa P3K nya tidak ada. Ia sudah menggeladah mobil berulang kali, tetap tak ada.

“Khawatirnya tertinggal, tidak ada di mobil.” Kemudian ayah menanyai Amin. Ternyata tadi saat membawa kotak P3K ia ingin kencing, lalu diletakkan di atas rak sepatu. Setelah itu tidak ingat lagi mengambil. Ayah menyiram kaki Amin dengan air mineral. Setelah itu, dilap dengan saputangan.

“Tunggu sebentar, Ayah carikan pucuk pisang buat mengobati lukamu.”

Wajah Amin masih mengernyit menahan luka kakinya. Ayah minta pucuk pisang kepada Bibi pemilik pisang. Untung saja bibi itu mau memberi. Ayah langsung mengunyah pucuk pisang. Setelah itu, ditempelkan di atas luka Amin agar cepat kering dan tak berdarah lagi.

“Ayo, kita makan bersama,” Ibu meminta mereka sekeluarga duduk di tikar di bawah pohon. Selesai makan, Ayah menanyai Amin tentang kakinya. Amin mengatakan bahwa kakinya sudah tidak sakit lagi.

“Lain waktu diingat, ya. Bila disuruh makan, tak boleh menolak. Kata orang pamali. Bisa celaka,” kata Ayah menasihati anaknya.

“Iya, Yah,” kata Amin. “Habis ini, saya mencebur lagi, ya”

Ayah mengizinkan, tetapi dia harus berhati-hati. Tak boleh berlarian.

Kada tarasa parak dua jam sudah buhannya di banyu mandian.

“Min kada laparkah ikam?” jar Dita manakuni adingnya.

“Lapar ai ulun, “ sahut Amin.

Mandangar nitu Uma langsung mambawai naikan dahulu, makan lapat wan hintalu masak habang. Tagal Amin batagih makanan nang lain. Umanya manyuruh mahadangi satumat. Sidin handak mamasakakan daging sapi hiris wan susis nang sudah dipaja lawan saus lada hirang.

“Uma kaingatan kalu buhan pian badua handak makan nang lain, makanya basangu nitu,” ujar sidin.

Imbah masak Uma mangiyau Amin, Dita wan Abah, “Lajui naik makan.”

Mandangar nitu langsung naikan batiga baranak ka tabing mandatangi wadah Uma di bawah pohon. Saking laparnya Amin badadas bukah manunti Umanya. Batisnya basah bakas di banyu. Marga licin Amin tadingsir. Abah langsung bukah menyasah, manulungi Amin. Amin takarinyut muha kasakitan. Langsung Abah manyuruh Kaka maambil kutak P3K di mutur.

Pina lawas Dita maambil kutak P3K kada sing cungan jua. Sakali muncul, inya bapadah kada tadapat kutak P3K. Tuhuk sudah inya mangguladai mutur, kadada jua.

“Busiyah tatinggal, kada tabuat ka mutur.” Abah lalu manakuni Amin. Sakalinya tadi pas mambawa kutak P3K inya handak bakamih, lalu ai diandaknya di atas rak sepatu. Habis tu kada ingat lagi inya maambil. Abah mangubui batis Amin lawan banyu miniral. Imbahitu dilap sidin lawan saputangan.

“Hadangi satumat Abah mencariakan pucuk pisang gasan manambai luka ikam.”

Muha Amin magun takarisut maharit luka di batisnya. Abah minta pucuk pisang lawan Acil nang ampunnya. Untung sidin hakun mambarii. Langsung Abah mangunyah pucuk pisang. Imbahitu ditapalakan di atas luka Amin biar lakas karing wan kada badarah lagi.

“Ayu kita makanan baimbai,” Uma manyuruh dudukan sakaluargaan di tikar bawah pohon. Tuntung makanan Abah manakuni Amin, kayapa batisnya. Jar Amin, sudah kada sakit lagi.

“Dudi ari ingatakanlah. Bila disuruh makan, kada bulih manulak. Pamali jar urang bahari. Bisa kapuhunan,” jar Abah mamadahi anaknya.

“Inggih, Bah ai,” jar Amin. “Bulihlah imbahini ulun bacabur lagi?”
Abahnya mambulihakan, tagal inya musti bahati-hati. Kada usah
babukah-bukah.





Tak terasa waktu menunjukkan pukul satu siang. Mereka puas bermain air. Ayah mengajak Amin dan Kakak Dita menuju ke tepi sungai.

“Ini baju ganti kalian,” kata Ibu. Ibu memberi masing-masing satu tas kepada Amin dan Kakak. “Baju yang basah masukkan ke dalam kantong plastik ini. Jangan dicampur, nanti mobilnya jadi bau.”

Amin dan Kakak mengiyakan nasihat Ibu. Dua bersaudara itu segera menuju tempat pembilasan dan berganti pakaian.

Selesai berganti baju, mereka mendatangi ibunya. Dita meminta Ibu untuk menyisir rambut dan membedaknya supaya cantik. Dia ingin wajahnya enak dipandang.

Kada tarasa ari sudah pukul satu siang. Buhannya tuhuk sudah bamainan banyu. Abah mambawai Amin wan Kaka Dita naikan ka tabing.

“Ngini nah baju buhan pian gasan baganti,” jar Uma. Sidin manjulungi tas sabuting saurang ka Amin wan Kaka. “Baju nang basah buat di kantong palastik sinilah. Jangan dicampur, kaina babau di mutur.”

Amin wan Kaka maiyaakan papadah Umanya. Badua badangsanak ngitu hancap manuju wadah babilas wan basalin pakaian.

Tuntung basalin pakaian, buhannya babulik mandatangi Umanya. Dita mainta surui wan pupur putih gasan babingking. Sakira nyaman jua muhanya dipandang.



Setelah rapi, dua bersaudara itu menanyai ayahnya tentang kepulangan mereka.

“Sebentar lagi, kita pulang pukul dua,” jawab Ayah.

Ibu dan Nenek sudah membereskan semua barang bawaan. Amin dan Kakak disuruh ibu mereka membantu mengangkut barang ke mobil. Setelah beres semua, barang bawaan dimasukkan ke dalam mobil dan siap untuk pulang.

“Coba periksa sekali lagi, siapa tahu ada yang tertinggal, pulanginya jauh,” kata Ayah Amin.

Imbah sudah rapi nang badua badangsak ngitu manakuni Abahnya, pabila bulikan.

“Satumat lagi, pukul dua kita bulikan,” ujar Abah.

Uma wan Nini sudah manyimpuni sabarataan barang bawaan. Amin wan Kaka disuruh Umanya mandangani maangkuti barang ka mutur. Sudah tuntung barataan barang bawaan dimasukakan dalam mutur siap ai sudah bulikan. “Dipariksa sakali lagi kalu ai ada nang tatinggal, babulik jauh,” jar Abahnya Amin.



Saat perjalanan menuju pulang, Ayah bertanya tentang perasaan anak-anaknya berwisata ke Sungai Kembang. Amin sangat bersemangat menjawab kalau ia sangat gembira. Ia merasa puas dengan suasana alam yang cantik, sejuk, dan masih alami. Selain itu, ia juga mendapat banyak pengalaman baru.

“Betul sekali yang kamu bilang itu, Min,” kata Kakak Dita menyambung percakan.

“Ya, kan. Tak salah kalau Ayah membawa kalian ke Sungai Kembang,” Ayah tersenyum sambil menyetir mobil.

“Iya,” kata Amin.

Mereka berterima kasih kepada orang tuanya karena sudah bersedia meluangkan waktu mengajak mereka berwisata.

Di perjalanan menuju bulik Abah batakun, kayapa parasaan buhan anaknya ka Sungai Kambang. Amin basumangat banar manjawab, pada inya liwar himung. Puas banar marasaakan suasana alam nang bungas, sajuk wan magun alami. Salain nitu, inya jua dapat banyak pangalaman hanyar.

“Bujur samuan jar ikam nitu Min ai,” jar Kaka Dita umpat manyambung pandir.

“Han, kada salah kalu Abah mambawai ka Sungai Kambang.” Abah takurihing sambil manyitir mutur.

“Inggi,” jar Amin.

Buhannya batarima kasih marga kuitannya sudah hakun maluangkan waktu mambawai bawisata.





Tak terasa mereka sudah sampai di jalan kompleks rumahnya.

“Mengapa pulangnya terasa cepat sekali, ya?” tanya Amin.

“Karena saat pulang kita sudah tahu jalannya, sehingga terasa sebentar. Tidak seperti saat berangkat, kita masih melewati jalan yang baru atau jarang kita lewati,” kata Ayah.

“Hore... kita sudah sampai,” teriak Amin gembira.

Setelah mobil masuk garasi, mereka mengangkut barang bawaan ke dalam rumah. Selesai salat Zuhur, orang tua mereka beristirahat. Sambil bersandar di kursi, Amin dan Dita asyik melihat foto-foto di gawainya saat berada di Sungai Kembang tadi. Kakak beradik itu langsung mengunggah di Facebook masing-masing. Rata-rata mereka memuji pemandangan Sungai Kembang yang indah itu. Sebagian orang yang baru mengetahui tempat wisata itu penasaran ingin berwisata ke sana juga

Kada karasaan sudah masuk jalan ka komplik rumahnya.

“Kanapa bulikannya asa hancap banar lah?” ujar Amin.

“Sualnya amun bulikan sudah tahu jalannya jadi tarasa satumat. Kada kaya wayah tulak kita masih maliwati jalan nang hanyar atawa jarang talalui,” ujar Abah.


“Hurii sampai sudah kita,” jar Amin kahimungan.

Imbah mutur masuk garasi basamaan buhannya maangkuti barang bawaan ka dalam rumah. Tuntung sumbahyang Juhur kuitannya baistirahat.

Sambil basandar di kursi Amin wan Dita asik malihati putu-putu di hapinya wayah di Sungai Kambang tadi. Badua badangsanak ngitu lalu asing-asingnya mampusting di pisbuk. Kada lawas banyak

kakawalan nang mananggapi di pisbuk. Rata-rata buhannya mamuji
pemandangan Sungai Kambang nang bungas. Sapalih nang hanyar
tahu wadah wisata ngitu, panasaran handak jua kaina ka sana.





BIODATA PENULIS



Siti Aisyah lahir pada 19 Februari 1977 di Banjarbaru, Kalimantan-Selatan. Latar belakang pendidikan, SDN Banjarbaru Kota 9, SMPN 2 Banjarbaru, SMAN 2 Banjarbaru, dan S1 Perikanan UNLAM Jurusan Manajemen Sumber Daya Perairan (tamat tahun 2001). Pernah mengajar di SMPN 4 Banjarbaru dari tahun 2010 sampai dengan 2023. Sekarang mengajar di SMPN 3 Banjarbaru. Kini penulis bermukim di Jalan Sidorejo Gang Harapan Jaya RT011 RW 002 Kelurahan Guntung Manggis, Kecamatan Landasan Ulin, Kota Banjarbaru.

MILIK NEGARA

TIDAK DIPERDAGANGKAN

Bawisata Ka Sungai Kembang

~Berwisata Ke Sungai Kembang~

Amin, siswa kelas 5 SD, mengajak orangtuanya liburan ke water boom. Namun, keinginan Amin ditentang oleh Ayah dan Ibunya. Pasalnya, biaya ke water boom lumayan mahal. Sebagai alternatif, Ayah menawarkan berwisata alam ke Sungai Kembang. Awalnya Amin sempat menolak, tetapi setelah diyakinkan akhirnya ia setuju.

Satu keluarga terlibat aktif dalam persiapan pergi berwisata. Sepanjang perjalanan ke Sungai Kembang, Amin dan kakaknya banyak mendapatkan pengetahuan dan pengalaman baru. Mereka sangat menikmati keindahan dan jernihnya air di sana. Ketika asyik bermain air Amin mengalami sebuah insiden. Untungnya, semua dapat teratasi dan wisata mereka berakhir menyenangkan.

ISBN 978-623-388-631-4



KEMENTERIAN PENDIDIKAN, KEBUDAYAAN, RISET, DAN TEKNOLOGI

2024